

■ GLOSSA

Patria pir che mai, actualmain

DA SILVIO CAMENISCH

Ogea, i dat mumentan ina nova fitg ferma passiuun per patria, patriotissem, ragischs, valitas occidentalas. Sai ussa betg, probabel era quella pissiuun sa durmentada sut mia curoverta ed insatgi, in bun maun, la ha dasdà. Ti pudessas forsa t'auzar, i chatscha dis!

Per abunents da blers onns, lunga amicizia, è gia la gasetta sin maisa da solver patria. Anc mez en pigiama e pantofflas curran quels, er jau, dador isch a spetgar e prender la gasetta. Ussa betg per tuts tuttina è la medema gasetta medema patria. Èsi per mai La Quotidiana, èsi per in reverenda dal lieu La Posta Ladina e mo lezza, èsi puspè per in signur president da e cun Rumantschs da Surmeir La Pagina e mo lezza.

Sin Surselva, pli ensi che sti vas, jau manegel vargà si «Nossa Punt», mo spetgan els, quels, da retschai-ver finalmain la dretga gasetta. Forsa sa numnass quella «La vusch dalla Surselva», anc pli cunfinà e limità «La vusch dalla Cadi» u simpel e bun «La Nossa». Pertge betg. A mintga democrat Läppli per uschè da dir sia propi patria. E sche nus sa scagnain vinavant ad absurdum, arriva in bel di la tudestga Die Tägliche!

Fitg fermes sentiments da patria, ragischs, valitas



cristianas occidentalas vegnan, tar mai, on iert e curtin. Pir tschai di è insatgi sa fermà si per mes mir. «Fas il Söder qua?» «Sche pertge?» «O, che ti mettas qua tarmentas cruschs per tias tomatas?» Di ti ina giada, tge cinic dal lieu! Dasperas leva jau installar uschia in center d'anca a la Seehofer («Wir werden das rasch umsetzen») per furnias e plugs. Tar mai vegnan entiras processiuuns cun tirar suenter famiglias. Ina limita auta da max. 1000 u «Cargar la buis!» sco tschel scheva, in lura betg manivel, uschiglio legia la gasetta.

Plontinas, plontunas che n'han betg nossas ragischs, nossas valitas, quella ston ora. La Pro Sagogn è ida endretg ordavant cun las resgias motor e bittà enturn tuts pigns blaus. Mez tschientaner vegls, s'integrads fitg bain, atgnamain, fatg ragischs giuaden da tschella vart or direct el tgil al «um da rachetas». Cler ch'i fa mal. Pigns blaus n'èn betg dals noss. Urtais da capuns dovran betg te-

mair. Vus essas dals noss. A propos capuns. Dretgs burgais d'in lieu en Svizra centrala: betg dà il pass svizzer ad in um! Saveva nagut da capuns, sto in savoir. Quai è central. Conuschais er da quels che din trasora «quei è central» u quest «per sé». Quels acturs populars stos ti conoscher.

America first!, America first!», aveva noss gross aug Donald clamà da stinà vilà al mund dadora. Quest clom autoritar ha sveglià in entusiassem patriotic incredibile, jau crai vidlonder, da daventar sez dretg defensur, commember ardent, fiu e flomma per «nossa caussa» e, sch'i faschess basegn e vegniss adaquella er dar, er laschar la vita per ella. Daventar martir ed exempel. «Vivo per lei» stuess esser vut.

Stimmungsmache» sco nus schain, propaganda, dar la cua, chasegliar n'è quai betg?, navair betg?, sch'in bainvis, dals noss, cun tschop fitg a la Baviera sin chatscha sco a messa e da far politica chaseglia era anc sco quels dus «Heimatministers» qua or da la CSU. A propos, mes bab era cumiss mo che martgadava er vendeva buntad café arab e cacau. Betg patria. Chasarinas, ondas e tattas da café na pudevan betg spetgar ch'il «cumiss da caffè» da Rueun vegnia finalmain damai ch'ellas eran schon puspè sin il sitg.